



22268

Wrocław

III

Mag. St. Dt. P

Loniac Rex

Loc. Jesu Lubl. Collegii: Via triumphalis Polono-
rum et Suecorum Regem — Vladislavum IV.
per victorias Moschoviticas ad perennis glo-
riæ capitolum ducens


Lublina typis Pauli Conradi. 1634.

PANEG. et VITAE
Polon. Fol.
№ 1530.

Biblioteka Jagiellońska



stdr0004652



VIA
TRIVMPHALIS
POLONORVM ET SVE-
CORVM REGEM,
BELLICOSISSIMVM,
MOSCHORVM DOMITOREM
FORTISSIMVM,
DE SEPTEMTRIONE TRIVMPHATOREM
FELICISSIMVM,
ET DOMINVM IN POTENTIA
CLEMENTISSIMVM
VLADISLAVM IV.

A

REGIA SVÆ SACRÆ MAIESTATIS
PER VICTORIAS MOSCHOVITICAS,
AD PERENNIS GLORIÆ CAPITOLIVM

DVCENS

IN COLLEGIO LVBLINENSI
SOCIETATIS IESV CELEBRATA,
ET EIVS S. R. M. DOMINI SVI
ET PARENTIS OPTIMI
HONORI AVGVSTISSIMO

CONSECRATA.

A. D. M. DC. XXXIV.

LVBLINI, Typis Pauli Conradi.

SACER MANIPVLVS INVICTVS.



NON hæc Callaicum distinguit strata metallum.
 Non Polycletæa marmora cæsa manu
 Mentoreum non tornat ebur, non gemma renidet,
 Seu, quas Hesperius deuchit axis, opes

N A M

VIA AQVILÆ COELVM,
SIC TIBI VLADISLAE REX BELLICOSISSIME,
QVID QVID IN HAC VIA OBIECTVM,
TROPHÆA SVNT COELO MINANTIA,
VEL DEPRESSA BARBARORVM CAPITA,
NVNQVAM AD BELLVM PRODIISTI,
QVIN REDIRES TRIVMPHATOR,
QVOD NVLLVM EST,
IN QVO TE SI FORTVNA NONDVMB EXERCVIT.
AD ILLVD NATVRA NON FORMAVIT.
QVOTIDIE ADMIRABILIOR ES.^e

^a Pro. 30.

^b Cic. in
Man.

^c Plin. 12
Trai.

ET
QVALES, ALII SE FVTVROS POLLICENTVR,
TV SEMPER FVISTI.
QVI PRIVS TRIVMPHARAS,
QVAM REGNASTI.

IMPERIVM IIS ARTIBVS RETINETVR, QVIBVS PARTVM^d

^d Sabell.

O P O L O N I A

*Quos Triumphos expectes Regnatore VLADISLAO?
si tot, eo vidisti Principe;*

QVI
ET BONVS • DOMINATOR, ET BONVS BELLATOR EST,
IMMO,

^e Homer
de Al. M.

REGVM BELLATORVM COMPENDIVM,
Vix Sceptra cepit, cū arma mouit, vt hostem prius opprimeret quā sentiret.
DIV APPARANDVM BELLVM, VT CELERIVS VINCAS, ^f

^f Syrus.

TV
MOSCHVM VICISTI, CVM BELLVM APPARABAS;
*Caput ille crexerat, vt quod in aliena Regna TIBI PRINCIPI
Viam fecit, ad sua, daret calcandum REGI:*

NON ENIM CAPIET TE POLONIA, NON SVECIA, ^g

^g Philip-
pus Mac-
do

MAGNE VLADISLAE

CVI

COELO DEDVCTA FELICITAS, ET VIRTVS SVBSCRIPSIT.

VT

V T
REGNES CONDITIONE BARBARIS,
D V M
VLTRO REGNAS, LIBERTATE REGIBVS.

I A M
QVAE TVI REGNI AVSPICIA,
In aliis essent prodigia, Hoc bello ceteris constat, quod,
• TIBI IPSA FAMA,
AD QVAM LONGE HOSTES CONSTERNVNTVR,
Terra ipsa quam calcare coepisti, ad gressus tuos,
nihil quam laureas parturisse visa,

Q V I A
NULLVS LOCVS EST, QVEM NON VICTORIA
CONSECRARES, DVM CONTINGERES.
AD SMOLENSCV M ACCESSERAS

C V M
Moschus Tuos obsidens, obsessus, cedendum sibi ratus,
QVAM TE OPPVGNANDVM.
IBI IGITVR VIAM TRIVMPHALEM ORSVS ES,
VBI BELLVM: NEC CERTVM
QVIN PRIVS BELLVM AN TRIVMPHV M?

T I B I
OBSESSI INCLAMARENT SMOLENSCII

Q V I
• TE SALVO, SE LAETABANTVR SALVOS,
VICISSE, CVM TE AVDIVERVNT VENISSE.

A T
QVO MARMORE STRATVM ITER TVVM TRIVMPHALE?
Aurum, gemmas, Topazios humus pullulasset, si te Regem modo &
non simul Triumphatorem pernouisset

e Alex.
ab Alio.
GRAMEN^c IGITVR EST, QVOD SERVATI DECERPHERE CIVES,
HERBA EST, QVAM TIBI PORREXIT HOSTIS,
QVERCVS EST, QVAM LIBERA EFFVDIT SMOLENSCIA,
Non despice Triumphator inclyte, qui salutem Tuorum, ut Tuam diligis,
ID PEDIBVS TVIS SVBIECTVM HABES,

Q V O D
d Rosinus
Lio.
IMPERATORVM AMBIVERE CAPITA, LAVREÆ, ET AVREÆ,
Adde vota populi & plausus, quibus Rex Bellicosissimus (parum est)
Ciuiū Salutis Author, Libertatis vindex, Religionis Diuinæ Parens audis,
Si Benignus audies.

L. *Quintiu Cincinnatum Dictatorē, obsidione Æquorū liberatus exercitus Romanus, suum Patronum appellauit.*

TV: VITA SALVSQ; CIVIVM.

VLADISLAE Tibi, si gratum gestio Nomen,
Magnus es, & nulli, penè secundus Amor,
Diuus es, Augusti votis communibus audis:

Sanguine Diuorum, Religione Patrum.

Tu tamen illud ama pleno venerabile mundo

NOMEN, SERVATOR VITA SALVSQ; TVVM ES.

*Tantum est parta tueri, quàm querere, & amittere,
quàm habuisse nunquam, grauius est.*

TV PARTA TVERIS, PERDENDO NIHIL.

EBria Cadmæo vix tantum murice Sidon,

Vt Smolenscianos Mars rubefecit agros

Sanguine Lechiadum, multa dum clade veniret,

Vrbs ea, sub fasces, Terra POLONA, tuos.

Hanc Tv dum seruas, Lechici monumenta cruoris

Seruas, & lauros VLADISLAE PATRIS.

*Libertatis Nomen dulce, res, quid optimum, vsus in vitâ maximus,
eius vindices,*

NISI VITA CHARIORES.

Plgmalyonis opes, gazas Arabumque superbas

Da libertati chrysea vincla, parum est,

Ditè lacernatus Cræso felicior Irus,

Si viuut proprio iure, vel esse potest,

VLADISLAE TIBI quas det Smolenscia grates.

Libera? sub frenos dat sua colla Tuos.

*Homerus, M. Alexandrum, illud orbis terrarum fulmen: & bonum
Regem & bonum Imperatorem fuisse prodidit.*

TV REGVM BELLATORVM SPECVLVM,

PEliden Actæa file, Romana Camillos

Musa, vel AEmathios Hesperiosque Duces,

Archetipon Regum, belli virtute Togæque,

REX VLADISLAVS Magnus vtrique venit.

Sic ea Sarmaticos peragrabit fama Triones,

Quàm cadit auspiciis Moschua, Diue, Tuis.

*C. Iul. Caesar, Pharnace deuictō, bellicositatē suā, illis circūscripsit verbis,
veni vidi, vici,*

Tu, non illo inferior, quàm felicior, cum M. Carolo dices

VENI, VIDI, DEVS VICIT.

Vicisti Romane, tamen non victor Achille es,

Vicisti solus, solus & ipse cadis,

VLADISLAE TVÆ non viuunt tempora lauri,

Qui tecum vicit, nescit habere vices.

B

Rosin.

INeo, Tuâ Bellicositate gestientium plausu incedis Triumphator, tanto illustrior, quo seruati Ciuis, quam hostis deleti, maior gloria, quæ si cum vita mortali finem sit habitura, moriturum nunquam Tuæ Bellicositatis stabit monumentum, & suæ libertatis Trophæum, Smolenscia, Hic loquitur,


Q VIA
VENIT, VIDIT, PROPVL SAVIT
MOSCHVM, HOSTEM SVVM
REX VLADISLAVS

Porta est quam vides Triumphalis, Quippe Smolenticum obsidione molchouitica liberatum
EST PORTA
Ad Triumphos VLADISLAO REGI; Portus fuisset aliis & limes ad victorias
Sed Bellator noster, ibi primum pedem figit, ubi sedem catenari
VLADISLAVS REX,
EST INVICTISSIMVS,
ANAGRAMMA
Victis ense malis, Dux risit saluus.

O
SMOLENSCV M
QVID TIMEBAS?



MOSCHVS
Vrbis op-
pugnator,
Armis Prin-
ceps, vel vt
ACHILLES,
Cætera si
deessent,
Locus vtrinq;



Muri con-
quassati?

Turres leic-
æa,
Ciuēs iam
perditæ

Numero,
Alter
XERXES.
Vel vt inter-
teras, vnicornis
Annus fuit
oppugnando.
Commodus
expugnando,



Quot Ciuēs,
tot mœnia.

Turres Vrbis,
Viri Martii,
Regis famâ
vivere pote-
rant.

Non est VLADISLAO perdere quod suum est,
Sed retinere (videbit posteritas) adipisci.

Hoc age DEO & superis fauentibus,
O VITA Ciuium & Salus VLADISLAE.

Plin.

PERGE ULTRA TRIUMPHATOR FORTISSIME REGVM
VLADISLAE,

HIC QVIDEM POTERAS DICERE:
SATIS EST VIRTVTI, GLORIÆ, PATRIÆ,
VOTIS OMNIUM,

Qui, Moscho à Ceruicibus Regni depulso, tanquā subiugato triumpharunt,
SED

TIBI PARVM EST, QUI AD SVMMA NATVS,
AD SVMMVM VENIES.

FORTVNÆ ET GLORIÆ.

*Pergis igitur hinc, vindicato Ciue, ut vindictam sumas de hoste,
cū te triumphus ambit alius.*

NAM

QVO ALTIVS SIGNA INFEREBAS, MOSCHVS TERGA,
Et pergis viā muricatā, viā purpureā, quam suo sanguine hostis inebriauit,

VT

TIBI REGI ITER ESSET TRIUMPHALE.
*Novi ego animū tuū, REX FORTISSIME, sanguinis incupidū, sed ad Triūphos
VIA SANGVINIS ITVM.*

5000 HOSTIVM CADERE OPORTVIT ANTE TRIUMPHVM,

HIC, QVOT CECIDERE?

DICTVM SATIS:

124000 HOSTIVM IN ARENAM BELLI EDVCTA,

7000 PROPE DEDVCTA.

*Superbe Dux, parcebas lachrimis? tam validū exercitū ad angustias rediisse,
Neg, hi abiissent, si Fortitudo Tua non præstitisset*

BELLATOR FORTISSIME,

VT NOLVISSENT PUGNARE HOSTES, DVM VELLIS, ET VITAM

TVO BENEFICIO

PERDITI ACCEPISSENT.

*Verum etiam te non pugnante, pugnatum contra hostes inde,
ubi vita communes haurit igniculos.*

NAM

VOLEBAS IGNEM?

Cælo descendisset, si alius, hostium urbibus & castris vrendis defuisset.

PLUVIAM?

Tanquam euocatam cælo crederes, ut prædam relictā ab hoste, igni leuaret.

ETIAM TIBI

TEMPESTATES ET VENTI OBSECUNDABANT,

Vt quo velles, globos tormentarios deferrent, illæ hostē languentē exhaurirēt,

AD

Eum naturæ famulatum Tua accessit Fortitudo, plusquam Regia,

VT

OMNIUM TOLERANTISSIMVS, ET NVNQVAM NON TRIUMPHATOR

REGIS, DVCIS, ET MILITIS OFFICIO FVNGERERIS,

NULLVM DISCRIMEN HABENS,

QVAM

QVIA FORTIOR, ET PRÆSTANTIOR CÆTERIS

Al. ab Al.

Ex Rel.
Mosch.

Plin. in
Tra.

Cicer. de
Pomp.

Plin.

*Lucundissimum spectaculum est, Dux in oculis militum, eodem pane vescens,
aut in vili loco quiescens, aut operam communem prestans,
quàm iucundum videre fuit?*

TE REGEM MAXIMUM,

*Dum somno parceres, cibo abstineres, excubias ageres, castra dispiceres,
primus inires manum, postremus poneres.*

OMNIA LEVIORA FVERE TVA PATIENTIA

QVÆ

TANTO MAIOR EST,

QVO MAGIS, SINE EXEMPLO ET NECESSITATE.

AT ETIAM

DORMIRE TVTO POTERAS, VIGILABAT PRO TE,

TVVS ANTIPATER, TV QVASI ALTER, SPES REGNORVM,

SERENISSIMVS PRINCEPS CASIMIRVS,

VIGILABAT

TVÆ MILITIÆ OCVLVS ΠΑΥΠΤΗΣ,

ILLVSTRISSIMVS PRINCEPS RADIVILVS,

ET

ILLI FORTISSIMI COPIARVM DVCEs,

KASANOVIVS, GASIEVIVS, PIASECINIVS, ZOLKIEVIVS,

DANIELOVICIVS, VAIERIVS, BUTLERIVS.

Ceteriq̃ leuissimi Bellatores, ita animo, manuq̃ parati, pro Te,

ET

REGNO TVO,

VT

ETIAM COELVM DEFENDERE POTVISSENT.

O fecunda viris Lechia Martiis!

O & Belligerum magna Parens Ducum,
Quos non Moschus atrox, non Alemannia
Contorum oppositu nescia ferro,

Detorquere retrò sunt potis agmina:

Non Hollandiacis excita sedibus,
Decertare dolis docta satis manus,
Tectis consilio pellere machinis.

O quem te memorem Dux RADIVILII?

Crescens laude noua gloria sanguinis,
(Inter magnanimos quos licuit viros
Arctois Litauos. vertere Classibus)
Heroas poteris tollere verticem.

O par conspicuum puluere Martio

Gasieui, Odrysi cum Kasanouio:

Quos, nunc esse suum tota Seueria
Nunc Martem esse suum tota Podolia
Dicit, Nestorem viuite sæculum.

Nec Piasecinium, quem Camenecia

(Saxo instans DOMINVM iure vocat suum)

Dignum laude Virum Musa loquax tace,
Fies Nobilium tu quoque Principum,
Zolkieui Patrii roboris Æmule,

Et

Et tu, qui indomitum viribus Hectorem,
Æquâras animo, DANIELOVICII
Maiorum referès dignus adoreas,
Quem quodcunq̃ue ferox gesseris, audeam
Si plectro tenui dicere, gloriam
Imbelli Herculeam detenuo lyra.

VAIER Marte potens non minus æream
Fert in tela manum BUTLER, & alterum
O quam pro meritis digna Ducum & Virum,
Ornari nitidis tempora laureis
Et quoscunq̃ue mihi, nunc taciturnior
Mirabunda filet Melpomene, canet
Armorum series, fataq̃ue temporum.

MIRARIS HEROAS?

C E S S A

BONIDVCIS, BONVS SOLET ESSE EXERCITVS.

Ecce inter medios aurea Lechiæ
VLADISLAVS ouat gloria; lucidum
Qualis gemma micans diuidit annulum,
Nocturno æmula syderi;

Vel qualis medio Phœbus in agmine,
Stellarum roseas eiaculans faces,
Vultu purpureo tela minoribus
Addit flammiuoma ignibus,
Sed nullum roseo participat magis,
De Phæbo radios, Sydus vt eminens,
Cunctis syderibus, lucifer aureus
Soli proximus aureo.

CASIMIRVS Hic est, quem lateri sacro

VLADISLAVS amat consociarier,
Et belli comitem gloriæ, & inclytum
Virtutis socium addidit.

Non homines solum TVA rapuit fortitudo VLADISLAE FORTISSIME,

Sed vicina quæque in stuporem vertit:

Illæ ipsæ Oreades sub hostium iugum missæ, de suis Montibus tanquam de
speculis, dispicientes. TVA,

ET TVORVM FACINORA

TE

ADMIRANTVR, TIBI FAVENT,

EVRINOME

QVæ manus ista (Deæ) laribus contermina nostris?
Aut quis Lechiadum niueam descendit in Arcton?
Atq̃ue fatigatas iterum defulminat arces?

C

CLY-

Homer.
Odys. 4.

CLYMENTE

Vix Regnatorem lateri præcinxerat ensem,
Belligerum stringit, venienti prodromus hosti,
Nec vidisse caput fuerat diademate fultum,
Ære rigebat apex rutilo cum splenduit auro,
Purpureosq; Ducis loricâ vestit armos
Mars, Bellatorem nactus fortemque Monarcham.

IDOTHEA.

Quid dum peltatis circumdat mænibus hostem
Oppugnatori grauior grauiorque futurus.

DOXA

Ipse manum subicit, gladios ac tela ministrat,
Promouet ipse acies, impellit terga suorum,
Primus inire manum, postremus ponere Martem.

HIC

*Clio, Virorum Illustrum laudibus nata Dea, Tuis à puero benè inmixta re-
spondet, & dum tua gloria agit Epæneticon.*

IN MONTE VIRGINEO PLAVSV M EXCITAT.

Dux, Parthenio quæ latè colle sedetis,
Pandite sepositis vallata cacumina Moschis,
Atque Triumphales Aquilas veneraminor istas,
Iagieloniades Lechiæ Regnator in oris,
Exitium Moscho vestras molitur ad vrbes.
Ille est Aonio celebratus pectine Princeps,
Notus vtrique polo, Solio quam sedit eburno.
Ille est, quem roseo Titan dum surgit ab ortu,
Aut vbi lassatos declinat in æquore currus
Bellantem stupuit, primo cum floridus æuo,
Robore Scipiadas, animis æquaret Achillem.
Ille est, qui parmam bello vix extulit albam,
Mille tulit palmas, meruit quoque mille Triumphos.
Ille est, quem Scythicæ primùm timuere phalanges,
Et qui Bosphoreo nunquam non victor hypatro,
Sensit, ab hoc vinci victores posse Gelonos,
Ille est, quem Moschus dum primis vidit in armis,
Esse suum voluit Regem, magnumque Toparcham,
Sed male fide scies quid sit periuria Mosche,
Atque Synonæas in pectore cudere technas;
Excidium vobis VLADISLAVS ALTER & IDEM.
Idem animo Princeps, fortunâ maior & armis:

Ergo Virginei montis præsides Dea tuis laudibus excitata, quid precentur.

ACCIPERE

Carpe viam felix bellator, maxime Regum
VLADISLAE, tuos sequimur cupimusque maniplos.
Te Trabealis honos, & Te victoria lambit,
Saxa tibi pateant, & Moschua dura necesse est.

NEC VOTA FEFELLIT TUA DIVINA FORTITUDO
 Qui
 SVDETA ILLA, MONTESQUE VALLATOS A MOSCHIS,
 VT
 VENISTI, VIDISTI, OCCVPASTI.
 H. O. C.
 ILLIVS, MONTIS VIRGINEI SIMVLACRVM, TESTATVR.

QVI
 Vt Hostilis potentia robur fuit, ita victoriarum, Tuarum
 ET
 FORTITVDINIS INSUPERABILIS
 ÆTERNVM stabit Memnosynon

ANAGRAMMA

VLADISLAVS, REX FORTISSIMVS

TV SIS DVX, ARMIS FALLES VIROS.

VLADISLAE TVOS DVCESVQVOCVNO, MANIPLOS,
 EBIT, ET EVXINO SE PROLVET AQVORE, TV SIS

LECHICVS AD SCYTHICAS IMPRIGER AES AQVAS
 DVX ARMIS, FALLES NON SINE LAVDE, VIROS



HIC
 AVES MOSCHICVS
 CASTRORVM SVORVM NIDO
 EXVIVS, ALBICANTI POLONORVM
 AQVILÆ SVCCVBVIT.

SEV
 HIC, MOSCHVS VICTOR SVI.
 VICISTI MOSCHE, TEIPSVM,
 VT

Armis, copiis & loco validissimus, à Polonorum manu subitaneâ, vincti
 Te non puderet, eumq, venerari Hostem, quem oleras.

VICISTI POLONOS.

VT
 Tibi viam indigno condonarent, & pacem concederent.
 Hunc victorem esse, VICTVM; LIBERVV ET CAPTIVVM
 Fama Dicit ÆVITERNA.

SED
 QVIA TE VICISTI VT
 vincereris
 à VLADISLAVO REGE
 què vincere
 nefas



AJ covinci

Gloriosum PVTA

SVPERASTI VIAM HOSTILI MVRICE INSTRATAM,
FACIT ALIAM TVA REGIA FELICITAS,
VBI SIGNA MILITARIA, ET ARMA HOSTI ADEMPA TIBI SVBIECIT,

VLADISLAE FELICISSIME.

Felicitatis omen fuit, signa facile secuta manum, & aquilarum conspectus,

QVID?

DVM PEDIBVS TVIS ACCIDVNT? TE ADORANT? TIBI STERNVNTVR?

Postibus suis fixissent alij Victores, quæ tuis substrata pedibus,

ERIT ENIM SEMPER

QVI

Tvos mirabitur Triumphos sine signis, quorum videbit fructus.

ARMA MEMBRA BELLATORVM SIGNA BELLORVM NVMINA

Hæc dum in manu vel ad pedes iacent Tuos,

GLORIAM, FORTVNAM, VITAM HABES,

ET

Quod vita charius est, Arma habes, vitæ & sanguine defendenda.

TV MOSCHE

Arma duxeras in bellum, vt vel cum His redires, vel pro His occumberes,

Victoriam certam, aut mortem promittendo.

ILLAM TIBI FELICITAS VICTORIS ADEMIT,

HANC AB EIVS CLEMENTIA IMPETRASTI,

VT

VIVERES PROBRO TVO, ILLIVS NOMINI, POLONIS, VICTORIÆ

TESTIS.

AVDE IAM QVISQVIS ES.

Sunt arma contra te, quæ fecisti, Tuo gladio ingulandus, Tuo pulvere

EXTERMINANDVS ES.

O FELICISSIME TRIVMPHATOR

PATIARIS ALIOS

In triumphis tulisse Balsamum, Ebenum, alucos cum tesseris, dentes eburneos,

BELlicosIS, POLONIS EA MINIME ADMIRANDA,

SED

ACHILLEM cecidisse, Rhinocerota captivum esse, ipsum Moschouia Ducem,

SVB TVIS PEDIBVS IACERE PVTA.

DVM IACENT

Illa Europæi orbis Tonitrua, Tormenta bellica, signaq; hostilia.

ARMIS IAM NON POTEST VINCI POLONIA,

QVÆ

ARMA, ET VIROS HABET.

BENE FACTVM O SVPERI

Vt sponte arma traderet hostis, quàm profugus linqueret,

TVAM HOC

COMMENDAT GLORIAM ET FELICITATEM.

REGVM FELICISSIME VLADISLAE

Sernius
& Lips.

Alex. ab
Al.

Plutarc.

Lacena
filio suo

Frebellio
Erasmi.

Rosinus

in Tor-
menta
bellica.

Athene,

de Laced.

NAM
FELICITATIS EST TVÆ, QVOD VELIS, POSSE

Nemo palatinas meruit decerpere lauros,
Cui non elueret purpura frontis ebur,
Nam variat fortuna vices, & gloria summum
Ambit, nec facili stat potiunda iugo.
Arridet fortuna tuis, REX MAGNE Trophæis,
Seu vis victrici bella mouere manu;
Seu Regnum mulcere togâ, sine sanguine præstas
Omnia, quin etiam, vincere, velle Tibi est.

MAIOR ES HECTORE

Alciden reuocate Dij; nouus instat Achilles,
Mugitu quemuis terreat ille suo.
Fallor: an ima poli penetrant suspiria ab alto?
Lechiadæ vobis Hectore maior adest;
Æmonius quondam super Hectora stabat Achilles,
Iagielloniadæ victima Achille cadis.

TIBI

IECIT ACHILLES DVAS TESSERAS, ET QVATVOR

VIpereis frustra medicata furoribus arma,
Et Centaureâ fulmina pota lue,
Frustra Massagetes ferali perlita succo,
Spicula Catharidum liuida felle paras.
His VLADISLAE TVVS fatalia cudet Achilles,
Iuppiter Odrysius quod verearis, habes,

TV FORTVNA ES POLONIÆ

Ecquid vt exploso mentita tonitrua plumbo;
Vel leuia à Moscho fulmine torta times!
Hæc fata aërius disuiscerat irrita ventus,
Moschus & inuacuum fulmina nube dabit,
VLADISLAE TVIS fors enutrita manipulis,
Huc quoque se præstent Barbara tela ruent.

TE NE SIT FELICIOR VLLVS.

Illa Cononiadæ votis Rhamnusia fauit,
Vt quæ aliis esset lubrica, certa sibi.
Cæsaris auspiciis nemo frenare Quirites
Non cupiit, Graios Agefilæ tuis.
Sic VLADISLAE TVAS veneratur Lechia sortes,
Tutius vt Sceptro nil sciat esse Tvo.

✽✽✽

D

Feli-

Florus

allusio ad
tormenta
bellica

omen fe-
licitatis
apud E-
gyptios.

C. Iul.
Cæsar de
se.

Acclama-
tio Ro-
manor.
a Thimo.

P. Lege
Manil.

*Felicitatem illud suade Romanæ Oraculum in tuo Æmulo M. Pompeio
commendabat, quam nos in Te libenter prædicamus.*

OMNIVM SVFFRAGIIS

FORTVNATISSIME VLADISLAE

Et illâ Timothei, Agiesilai, Sylla, Pompeij, Caesarũq; felicitatẽ ad Te derivatã

IN TE MAIOREM GAVDEMVS FLVXISSE.

V T

Eutrop.

Nihil audias in Polonia, quam illud Romanis celebratissimũ, in suos Caesares.

NEMO SIT MELIOR, NEMO FELICIOR, VLADISLAO.

HÆC MIRARE, QVI DVBITAS.

N A M

VENIT VIDIT ADEMIT

HOSTI

MOSCHO

Rosinus
& Pont.

S I.
GNA
MIL-
TARIA

I 2 0.

BEL-
LICA
FORMEN
TA OPERE
ET MOLE
ADMIRANDA

I 0 7.

IN
APPA-
RATV
BELLICO
ET PRÆDA
Valoris plusquam
600000.



HINC
PERGE TRIUMPHATOR CLEMENTISSIME
VLADISLAE
EO TE VIRTUS TVA EVOCAT, VBI VICTIS HOSTIBVS
TE IPSVM VICISTI,

HIC IGITVR
DA VIAM MOSCHE, CAPVT ILLVD PERVICAX, ET EFFRENE COLLVM INCLINA,
NON PRVS

VULTVM REGIVM DIVINÆ CLEMENTIÆ SEDEM, VIDEBIS,
Quam oculos lucentes, puluere expurgabis,

IGITVR TERRAM PETE VIVVS, CVIVS PABVLVM ET CINIS
PARVM QVIN FVISSES,

TERRAM FER I CAPITE, QVAM FERRO OPPRESSERAS,
TERRAM DEPRECARE, QVAM FVNESTO PEDE ATTIGISTI,
TERRÆ ET TVIS, QVI EO SVNT MISSI, LOQVERE

TE VICTVM
VLADISLAI REGIS IN VICTORIA SVMMÆ:
CLEMENTIAM ADMIRANDAM.

O PHOEBE
Iugales tuos nihil dubito flexeras, vt superbiam Moschorum cælo minantem,

VIDERES, ALLISAM TERRÆ,

ILLA CAPITA REGNI, ET BELLII:

REGIS VLADISLAI SCABELLVM FACTA,
ILLOS SEPTEMTRIONIS BELLATORES, VERMES PVLVERVLENTOS:

SIC
CADERE, ET TERRAM TVAM COLERE NECESSE EST.

AVGVSTE VLADISLAE,

QVI EAM LEVITER VIOLANT,
CAPITA CALCANDA DARE, QVÆ REGI NOLVNT.

TELLVS (credo) plausum tibi dedit, lauros æternas ibi paritura,
Vbi sudore frontis Moschicæ maritata est.

IBIS ERGO MOSCHORVM DOMITOR,
PER CAPITA BELLATORVM.

AD CAPVT REGNI:

IBIS VICTOR HOSTIVM, NON MINOR,

QVAM TVI
HOSTIS NON, HOSTIBVS,

ET
NON SOLVM TVÆ VIRTVTIS PRÆCONES HABEBIS CIVES,
AVT AMICOS.

SED BARBAROS, HOSTES QVOS SERVASTI.
SCIEBAS CHRISTIANISSIME TRIVMPHATOR.

Illam esse victoriam demum, quæ confessos animo quoq; subiugat hostes,

SATIS VICTVM QVI PROSTERNITVR,
CLEMENTIAM PLVS POSSE QVAM VIOLENTIAM,

SCIEBAS

Pretium Pacis, dare pacem humiliter petenti hosti.

IGITVR

SIC VICISTI HOSTEM, VT SCIRES VICTORIA VTI,

ET IPSAM VICTORIAM VINCERE,

*Recteq; vnus inuictus es, à quo etiam ipsius victoria conditio,
visq; deuicta est.*

QVARE

I concitatis gloria Pegasis,

Euade cælum, sol vbi roscidos

Frenat iugales, aut reclines

Hesperio reficit barathro.

Videbis, (héu) quam Theutonicus mucro

Permiscet vrbem, nescius impetum

Tenere; sternit lege nullâ,

Acciduos genibus Quirites

Cadmæa dicent mænia sanguinem

Bibilisse, qualem victor Achaicus,

De subiugatis ire iussit

Hippobotum Phrygiisque riuus,

Sic nescit iræ ponere terminos

Libido Victrix, & prius Africum

Domes Catellum, quàm secundis

Pectora condecumata ventis.

At quo beatam Principe Lechiam

Regnata dicent agmina Bosphoro?

Dum prouocatas victor iras

Temperat, insolitasque lauros,

Dum iure fusos sternere Moschuos

VLADSLAE posses, nec tamen ebriam

Cruore dextram, vidit orbis

Colla ferens pedibus domanda.

Cæsar Triumpho nobilis Actio,

Sic nullus vni (quàm scio) Maxime

TIBI MONARCHA, & NORMA REGVM

BELLIGERVMQVE DVCVM MEDVLLA.

Diceris

Claud.

Alph.

Phil.

Sigif.

Imp.

Cic.

Diceris Vrbes Regnaque Bistonum
 Hausisse famâ, dum pater Hostibus
 Non hostis esses, quin & ipsum
 Te superas superator orbis.
 Ergo refusus Moschua spiritus
 Deponet vltro, collaque nutibus
 Tuis vouebit, nam benigno
 Quæ fera non capiatur hamo?

Idominamur, & pollicemur de tuâ animorum expugnatrice clementia,

QVÆ

*Vt Boleslao Chobri Slauones, Vladislao III. Croatas,
 & Vngaros in potestatem dedit.*

SIC

*Nulla erit gens adeò barbara, quæ tuam humanitatem non amet,
 beneuolentiam complectatur.*

SEDIAM

Subacti Moschi, & victoriæ Tui hanc Iconem defende aternitas,

VT TVAM TIBI LABORATAM

ET

CONSECRATAM.

NIHIL EST GLORIOSIUS, PRINCIPE IMPVNE LÆSO,

QVALIS ES VLADISLAE REX

QVI HOSTEM



INCLYTO VICTORI, REGI POL. ET SVEC. VLADISLAO IV. INCLINAVIT

MIRVM FACTV VIDES?
AQVILAM BICIPITEM STERNI
NE MIRARE
MOSCHVS NUMERO, POLONVS ROBORE
PRESTAT.

I N numero numero numerabas arma Seine,
Et penè in numero milite septus eras,
Arma VLADISLAO Herculea virtute strategi
Exigui numero quos numeraret, erant.
Curtamen imbelli demisso poplite Magni,
Ante VLADISLAI cernuus ora cadis?
Corpore sic grandem Ceruum sternit leo, quamuis
Cornua ceruus habet, cornua nulla leo.
Dic age cur sternit? dicam quia plurima tantum
Cornua ceruus habet, sed leo pectus habet.

ERGO HANC
FORTITVDINEM TVAM VENERATVS HOSTIS, CLEMENTIAM
SATIS DEMIRARI NON POTVIT,

EIVS

*Se captivum, licet nunquam cogitasset, interea gaudet,
Et gratum se fore pollicetur*

NOS AVTEM TVI,

Cogita quos vis,

FAMVLI, SVBDITI, CLIENTES, CIVES TVI,
Quibus te votis prosequemur? qua benevolentia complectemur?
VIVE TRIVMPHATOR MAGNORVM MAXIME REGVM,
VIVE SIBYLLINOS NESTOREOSQUE DIES,
VIVE TVRCARVM SCYTHIÆQUE FVNVS,
ET BARBARORVM FVLME ENATVM POLO,
VIVE DELICIVM ET COR VNIVERSI,
AVGVSTE SANGVIS PRINCI-
PVM VLADISLAE,
FRENOS PONE BORISTHENI,
VLTRA DANVBIVM LATIVS IMPERES,
REX MAGNE SCEPTRO DIGNE
ALEMANNIO.

NON

NON MARMOR ILLVD HERCVLIS
EST, REGNORVM META TVORVM,
SED ORBIS VNIVERSVS

VIVE TRIVMPHA

ET

HANC OPERAM

AMORIS IN TE NOSTRI ET OBSERVANTIÆ
NOTAM VELIS ESSE

REX OPTIME

Non Tuas æquè complectitur laudes, & victorias, sed quia Tuæ sunt illæ
etiam in vmbra, solem, & in apice quouis, nullo æuo interituram habe-
bunt molem. Sera, & ad triumphos Tuos pene postrema accessit, vt à
postremis mortalium necesse fuit, & qui prius Tuam demirati sumus fe-
licitatem, quam adorauimus, prius votis prosecuti, quàm plausibus; vt,
si alios Tuæ dignitatis suffragatores, victoriarumque gratulatores habu-
eris, nobis hercle, Tui magis Studiosos vix reperiās, qui in Te aman-
do & venerando nec tempus, nec terminos ponimus alios, quàm
TE IPSVM, ET TVA OMNIA.

QV ANQVAM

*Palmam amoris non ambimus, qui tuis pedibus
Triumphalem viam fecimus*

VT

Quocunq; loco vides nos, & nostra corda tibi sterneremus
CALCA, NON ONVS ERIS, SED HONOS, TVI STUDIOVIS

QVI

Hostibus, dum eos premeres, leuamen fueras;

ET LICET CALCAVERIS

SVB PEDIBVS TVIS, ET THRONO TVO.

ESSE IVCVNDVM ERIT COLLEGIO NOSTRO

QVOD EST MINIMÆ SOCIETATIS

TIBI DEVOTÆ, TIBI MANCIPATÆ.







